



09. august 2013

UKA 2013/142

Inatsisartut Suleriaasianni § 36 naapertorlugu apeqquqteqaat aallaavigalugu oqallisissiaq imaattoq matumuuna saqqummiuppara.

**Nunatta pissarititaanik inuussutissanik nunatta avataanit eqqussunneqartunik akimikkut unamillersinnaasunik qanoq ililluta nerinerulernissarput angussinnaavarput. Nunanik allaniit inuussutissat eqqussorneqartut CO2-mik migutsitsinermut akileraarusersorneratigut nunatta iluani inuussutissanik siammaaneq akikinnerulersissinnaavarput, aqqutissat allat orniginartut suusinnaappat.**

(Inatsisartunut ilaasorta q Ane Hansen, Inuit Ataqatigiit)

Ukiut arlaqangittut matuma siorna Nunatta Naatsersueqqissartarfianit ukiumortumik nalunaarusiap takutippaat inuussutissat pisiniarfinni pisiarineqarsinnaasut 90 % sinnerlugu nunatta avataanit eqqussugaasut.

Qinigaaffiup siuliani Naalakkersuisuusimasut nunatta pissarititaanik annertunerusumik nerisaqarnissarput pingaarutilittut anguniagassatut suliniutigineqassuq siunniuppat. Tamatumalu nassataanik sulinitit assigiingit aallartinneqarput. Neqi A/S nutarterneqara aallartinneqarpoq siunertarineqarluni savat neqaat kisiisa pingagit, nersutilli allat aamma nioqqtissiarineqalissasut sorlu nersussuit, tuttu, umimmat assigisaallu. Tamatuma saniatigut naatitanik naatitsineq annertusarniarlugu savaatillit peqatigiit suleqatigiissut SPS, Nunalerinermillu Siunnersuisooqatigiit suleqatigalugit suliniutinik aallartitsisoqarluni, siunertaralugu nunatta sinneranut nunatta pissarititaanik annertusaanissaq. Ukiorlu kingulleq aamma Nunalerinermut ataatsimiisitaliarsuaq aallartinneqarpoq siunertaralugu nunalerinermik savateqarnermik nersutaateqarnermillu nunattalu pissarititaanik nunatta sinneranut nioqqtissiornikkut annertusaanissaq naleqqusaanissarlu akilersinnaarnerusumillu inerisaanissaq siunertaralugu isumalioqatigiittussamik.

Inuussutissalerinermik ilinniarfiit INUILI Maniitsumilu ATI ilinniarfiit kattunneqarput inuussutissanik inerisaanerup nukittorsarneqarnissaa siunertaralugu. Tunisassiorfiit Pisiniarfiit neri-niartarfiillu suleqatigalugit nunatta iluani nioqqtissiorneq annertusarneqarluni. Kujataani ukiuni kingullerni Food festivaleqartarneq tapersorsorneqarpoq, nunattalu sinnerani pisortat sulliviutaani kalaaliminernik nerinerulernissaq piumasarineqarluni.

Anguniagassalli iluarsisassat unamminartullu suli amerlaqaq. Kalaalimernit nunattalu pissa-ritaata allat sorlu naatitat il.il. nunatta iluani assartuussinerup nioqqtissiornerullu akisunera pissutigalugu nunatta avataaniit inuussutissanik eqqussorneqartunut naleqqiullugit akisuallarpur.

Unammilligassaq tamanna qanoq ililluta aaqiivisiginnavarput? Inuussutissat nunatta avataanersut ungasissorsuarmik assartugaanerat pillugu avatagiisinut migutsitsinermi akileraarummik CO2 afgiftimik taallugu akileraaruserneratigut nunatta iluani inuussutissat assartuunneqarnerat tapiiffigisinnaavarput? Aqqutissat allat suusinnaappat?

Nunatta pissarititaanik inuussutissarniarfinni pisiarinqarsinnaasut akimikkut nunatta avataanit inuussutissanut eqqussuunneqartunut akimikkut unammillersinnaalernissaannut aqqutissat allat takorlorneqartut suusinnaappat?

Angusaqarfiusumik oqallinnissarput neriutigalugu oqallilluarnissassinnik kissaappassi.